



# basic education

---

Department:  
Basic Education  
**REPUBLIC OF SOUTH AFRICA**

## **SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS**

**ISINDEBELE ILIMI LOKUTHOMA LOKWENGEZA (FAL)**

**IPHEPHA LESITHATHU (P3)**

**2019**

**IMITLOMELO: 100**

**ISIKHATHI: Ama-iri ama-2½**

**Iphepheli linamakhasi ali-7.**

## YELELA

1. Iphepheli LINEENGABA EZINTATHU: ISIGABA A, B kanye NESIGABA-C.  
ISIGABA A: Amatheksthi wokuzitlamela (Ama-esityi) (50)  
ISIGABA B: Amatheksthi amade wokuthintana (30)  
ISIGABA C: Amatheksthi amafitjhani wokuthintana (20)
2. Phendula umbuzo OWODWA ESIGABENI NGASINYE.
3. Tlola ngelimi obuzwe ngalo.
4. Thoma umbuzo NGAMUNYE ekhasini ELITJHA.
5. Kufuze uthome ngokutlola okukodwa kwalokhu: umebhengqondo, umgwalo/ amaflowutjhadi/amagama amumongo. Kumele kuvele nanyana kubonakale NGAPHAMBI kwe-esityakho.
6. Isikhathi esiphakanyisweko sokuphendula ISIGABA NGASINYE:  
ISIGABA A: Pheze imizuzu ema-80  
ISIGABA B: Pheze imizuzu ema-40  
ISIGABA C: Pheze imizuzu ema-30
7. Nombora iimpendulo zakho njengobana zinonjorwe ephepheni lemibuzo.
8. Ngileyo naleyo pendulo ayinikelwe isihloko sayo.
9. Ungasibali isihloko nawubala amagama owatlolileko.
10. Tlola ngesandla esihle nesibonakalako.

**ISIGABA A: AMATHEKSTHI WOKUZITLAMELA (AMA-ESEYI)****UMBUZO 1**

Khetha isihloko ESISODWA utlole i-eseyi engaba magama ali-190–240.

Kufuze uthome ngokutlola okukodwa kwalokhu: umebhengqondo, umgwalo/ amaflowutjhadi/amagama amummongo. Kumele kuvele nanyana kubonakale NGAPHAMBI kwe-eseyakho.

- 1.1 Ngabona mhlokho bona umbelethami uqakathekile. [50]
- 1.2 Ngazenza mina bona ngibe nje. [50]
- 1.3 Izinto engizithanda khulu ngami. [50]
- 1.4 Isehlakalo esimbi engakhe ngasenza epilweni. [50]
- 1.5 Ubumbi nobuhle bokufunda simahla emazikweni aphakemeko wefundo. [50]
- 1.6 Ukukhwabanisa eminyangweni ehlukehlukeneko kaRhulumende ngikho okubanga ukuthogeka kwemisebenzi. Vuma nofana uphikisane nesihlokwesi. [50]
- 1.7 Qalisisa iinthombe ezilandelako, bese ukhethe ESISODWA uzitlamele i-eseyi uyinikele nesihloko.

**TJHEJA:** Isithombe ne-eseyakho azikhambelane kuhle.

1.7.1



[Sithethwe ku-[www.images.com](http://www.images.com)]

[50]

1.7.2



[Sithethwe ku-[www.images.com](http://www.images.com)]

[50]

**IMITLOMELO YESIGABA A:**

**50**

**ISIGABA B: AMATHEKSTHI AMADE WOKUTHINTANA****UMBUZO 2**

Khetha isihloko ESISODWA bese utlola ngaso amagama abe ma-80–100.

**2.1 INCWADI YOBUNGANI**

Emalangeneni adlulileko uzithole sewukhamba usilwa nabantu ngaphandle kweenzathu. Yeke umnganakho wakunikela iiyeleliso zokobana ungabukhandela njani ubujamobu. Mtlolole incwadi umthokoze ngesizo akunikele lona.

**[30]****2.2 IKHARIKHYULAMU VITHAYE NENCWADI EMKHAMBISANI**

Nguwe umnikazi wekharikhyulamu vithaye engenzasi, ubone isikhangiso sakwa-BMW lapha kufunwa khona umuntu ozokuphatha emNyangweni wezokuthengisa waba nekareko lokufaka isibawo. Tlola incwadi yesibawo somsebenzi ozoyithumela ekhamphanini le.

**[30]****1. IMININGWANA EPATHELENE NAMI**

Isibongo:	Langa
Amagama:	Mduduzi Peter
Ilanga Lamabeletho:	20 January 1990
Inomboro kamazisi:	9001203243050
Inarha engabelethelwa kiyo:	Sewula Afrika
Ubulili:	Umuntu wembaji
Inomboro yomrhala yemsebenzini:	012 344 1297

**2. IMININGWANA EPATHELENE NOKUFUNDA**

Igama Lesikolo:	Thuthukani Secondary School
Isitifikethi:	Grade 12
Iimfundo:	Business Economics, Mathematicss, Zulu, Accounting, English neLife Orientation.
Umnyaka:	2009

Igama Lesikolo:	TUT
Isitifikethi:	BCom in management
Iimfundo:	Commercial Law Business Management Communication Computer Literacy
Umnyaka:	2012

**3. IMININGWANA EPATHELENE NOMSEBENZI**

Igama lebululo:	Coca Cola
Indawo:	Randburg
Umsebenzi engiwenzako:	Umsizi womphathi
Isikhathi engenza ngaso umsebenzi:	2014 kufikela nje

**4. ILWAZI LANGAPHAMBILI LOMSEBENZI**

Ikhamphani:	Coca Cola
Isikhundla:	Mphathi olawula ipahla
Indawo:	Randburg
Umnnyaka:	2013–2014

**2.3 I-AJENDA NAMAMINITHI WOMHLANGANO**

Emndenini wekhenu kuvulwe isikhwama esizonisiza bona nikwazi ukuthatha ikhambo lokuyokuvakatjha eCape Town ngomnyaka ozako nekukade nilifisa kodwana nibhalelwa kuhlanganisa imali yakhona. Benibambe umhlangano omayelana nokufanele kwenziwe ukuze woke umuntu akghone ukuzibhadelela ikhambeli. Njengonobhala wehlangano yeBumbanani maBungela, qala i-ajenda onikelwe yona ngenzasi bese uyiqedelela ngokufaka amaphuzu ocabanga bona kuzokukhulunywa ngawo emhlanganweni loyo bese utlola namaminithi wawo.

I-ajenda yomhlangano weBumbanani maBungela ohleleke ngendlela elandelako:

Indawo:

Isikhathi:

Ilanga:

1. Ukuvula.
2. Amezwi wokwamukela.
3. Abakhona nabancancabezileko.
4. Ingcoco zelanga.

4.1

4.2

4.3

6. Ukuvala.

**[30]**

**2.4 IKULUMO EHLELEKILEKO**

Umaswaphela wakwenu uthumbe ikhambo lokuyokuvakatjhela iindawo zakwamanye amaphasi ngesikebhe. Umndeni umenzele umnyanya wokumlayelisa. Tlola ikulumo ozoyethula emnyanyeni lowo.

**[30]**

**IMITLOMELO YESIGABA B: 30**

**ISIGABA C: AMATHEKSTHI AMAFITJHANI WOKUTHINTANA****UMBUZO 3**

Khetha isihloko ESISODWA bese utlola ngaso amagama abe ma-60–80.

**3.1 IKARADA LESIMEMO**

Udadwenu wakhamba iminyaka eminengi wayokusebenza endaweni ekude khulu nekhaya, benalahlekelwa naziinomboro zakhe zokuthintana naye. Senambona avela ningakatjheji. Tlola isimemo umeme iinhlobo nabangani ukugidinga umnyanya wokubuya kwakhe.

**[20]****3.2 I-POSKARADA**

Umnakwenu ohlala ngaphetjheya ubusiswe ngabentwana abamawele ngeveke egadungileko. Mtlololele iposkarada umthokozise.

**[20]****3.3 IMILAYELO**

Qalisisa isithombe esingenzasi bese uphendula umbuzo.



[Sithethwe ku-[www.images.com](http://www.images.com)]

Ababelethi bakho bakuthengele isisetjenziswa esivezwe esithombeni esingehla. Tlola imilayelo ekufanele uyilandele lokha nawusisebenzisako nezokuqinisekisa bona sihlale sisebujameni obuhle isikhathi eside.

**[20]****IMITLOMELO YESIGABA C:****20****INANI LOKE:****100**